



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

V O D I Č

za pristup informacijama u organu uprave Grad Sarajevo

Sarajevo, februar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 20. stav 1. tačka 1. Zakona o slobodi pristupa informacijama u Federaciji Bosne i Hercegovine („Službene novine Federacije BiH“, br. 32/01 i 48/11) i člana 39. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), gradonačelnica Grada Sarajeva **o b j a v l j u j e**

V O D I Č

za pristup informacijama u organu uprave Grad Sarajevo

I

U skladu sa članom 3. tačka 1. Zakona o slobodi pristupa informacijama u Federaciji Bosne i Hercegovine („Službene novine Federacije Bosne i Hercegovine“, broj 32/01) (u daljnjem tekstu: Zakon), informacija predstavlja svaki materijal kojim se prenose činjenice, mišljenja, podaci ili bilo koji drugi sadržaj, uključujući svaku kopiju ili njezin dio, bez obzira na oblik, karakteristike, vrijeme kada je sačinjena i kako je klasificirana.

II

Ovaj Vodič je namijenjen podnosiocima zahtjeva za pristup informacija sa ciljem pomoći prilikom ostvarivanju prava na pristup informacijama koje su pod kontrolom organa uprave Grad Sarajevo (u daljnjem tekstu: Grad).

III

Pravo na podnošenje zahtjeva za pristup informacijama imaju sva zainteresovana pravna i fizička lica i ovo pravo može biti ograničeno samo na način i pod uslovima utvrđenim Zakonom.

IV

Sjedište Grada: ulica Hamdije Kreševljakovića 3, 71000 Sarajevo

Kontakt telefon: 033 407 – 431

Fax: 033 208 – 341

V

Pravo na pristup informacijama ostvaruje se podnošenjem pismenog zahtjeva koji mora:

- biti u pisanom obliku na jednom od službenih jezika Federacije Bosne i Hercegovine;
- biti na propisanom Obrascu koji je dostupan na web stranici Grada (www.sarajevo.ba);
- dati dovoljno podataka o prirodi i/ili sadržaju informacije kako bi se omogućilo da Grad, uz razuman napor, pronađe traženu informaciju;
- sadržavati ime i prezime podnosioca zahtjeva i njegovu adresu.

Zahtjev/Obrascu se predaje na protokolu Grada, ulica Ćemaluša 9 – III sprat ili putem pošte.

VI

Zahtjev koji se odnosi na ličnu informaciju može podnijeti:

- fizičko lice na koje se ta informacija odnosi;
- zakonski zastupnik ili punomoćnik lica, sa pisanim ovlaštenjem za pristup informacijama, koji je dužan potpisati zahtjev i pokazati propisanu identifikacijsku ispravu sa fotografijom.

VII

Pristup informacijama se može vršiti na jedan od slijedećih načina:

- neposrednim uvidom u informaciju;
- dostavljanjem informacije na kućnu adresu;
- umnožavanjem informacije.

Za podnesene zahtjeve, rješenja ili obavještenja ne naplaćuju se naknade ili takse.

Cijena se određuje samo za troškove umnožavanja i iznosi: - 0,50 KM za svaku stranicu standardne veličine koja prelazi 10 (deset) prvih besplatnih stranica.

VIII

U slučajevima kada podnosilac zahtjeva traži neposredan uvid u informaciju ili usmeno objašnjenje određenih podataka, prethodno će se obratiti pismenim putem službeniku za informisanje, koji će ga obavijestiti o mogućnosti i terminu traženog pristupa informaciji.

Rok za postupanje po zahtjevu ove vrste je 15 (petnaest) dana od dana podnošenja zahtjeva, a u slučaju nemogućnosti postupanja po traženom u predviđenom roku, Grad je dužan obavijestiti podnosioca zahtjeva o razlozima za takvo postupanje.

IX

U slučajevima kada Grad nije u mogućnosti udovoljiti pismenom zahtjevu za pristup informacijama, o tome će donijeti rješenje sa razlozima za takav stav, sa poukom o pravnom lijeku i uputom o mogućnosti obraćanja instituciji Ombudsmena Bosne i Hercegovine (u daljnjem tekstu: Ombudsmen).

X

Pravo pristupa informacijama, u skladu sa Zakonom, može biti ograničeno u slučajevima kada to nalaže:

- interes odbrane i sigurnosti, kao i zaštita javne sigurnosti;
- sprječavanje kriminala i otkrivanje kriminala;
- zaštita postupaka donošenja odluka u Gradu, uključujući davanje mišljenja, savjeta ili preporuka, bilo da se radi o državnom službeniku ili namješteniku ili drugom licu koje radi za ili u ime Grada, s tim da ne obuhvata činjenice, statističke, naučne ili tehničke informacije;
- zaštita povjerljivih komercijalnih interesa;
- zaštita privatnosti trećeg lica.

XI

Tražena informacija će se u skladu sa odredbama Zakona saopćiti bez obzira na izuzetak, ako je to opravdano javnim interesom, pri čemu se uzima u obzir sva korist i šteta koju može proizvesti saopćavanje takve informacije.

Ukoliko se utvrdi da je dio tražene informacije izuzetak, tada se izdvaja taj dio, a saopćava preostali dio, osim u situaciji ako je na taj način informacija postala nerazumljiva.

XII

Kada se odobri pristup informaciji, u cijelosti ili djelimično, donosi se rješenje koje sadrži:

- a) obavještenje podnosiocu o mogućnosti ličnog pristupa informaciji u prostorijama Grada;
- b) kopiju informacije u pisanoj formi, standardne veličine fotokopije, ukoliko ista nije duža od 10 (deset) stranica;
- c) obavještenje o mogućnosti umnožavanja informacije koja sadrži više od 10 (deset) stranica.

XIII

Rješenje kojim se odbija pristup informaciji obavezno sadrži zakonski osnov za izuzeće informacije, materijalna pitanja koja su utjecala na donošenje rješenja, pouku o pravnom lijeku i uputu o pravu obraćanja Ombudsmenu.

XIV

Rješenja iz tačke XII i XIII ovog Vodiča dostavljaju se podnosiocu zahtjeva najkasnije u roku od 15 (petnaest) dana od dana podnošenja zahtjeva, izuzev u slučajevima kada je potrebno pribaviti izjašnjenje treće strane o saopćenju povjerljivih komercijalnih informacija i informacija koje se odnose na privatnost trećeg lica kao i u slučajevima kada je Grad dužan obavijestiti treće lice da će, zbog postojanja javnog interesa, saopćiti informaciju koja je utvrđena kao izuzetak od saopštenja.

XV

Donošenjem ovog Vodiča prestaje da važi Vodič za pristup informacijama u organima Grada Sarajeva, broj 01/04-04-6458/20 od 10.12.2020. godine.

XVI

Ovaj Vodič stupa na snagu danom donošenja i objavljuje se na web stranici Grada Sarajeva.

Prilog: Obrazac – zahtjev za pristup informacijama

Broj: 01/13-02-1079/22

Sarajevo, 14.02.2022. godine

